

Umhverfis- og auðlindaráðuneytið
B.t. Íris Bjargmundsdóttir, lögfræðingur
Sendist rafrænt á
iris.bjargmundsdottir@uar.is



Reykjavík, 25. nóvember 2019
Tilvísun: 2019110005
SE/
Tilv. ykkar:

Efni: Umsögn um drög að reglugerð um breyting á reglugerðum um mat á umhverfisáhrifum og um framkvæmdaleyfi.

Með tölvupósti var vakin athygli á því að drög að breytingu á reglugerð um mat á umhverfisáhrifum og reglugerð um framkvæmdaleyfi hefði verið birt í samráðsgátt. Frestur var gefinn til 15. nóvember til að skila athugasemdum við drögin. Því miður hefur ekki gefist tími til að ljúka gerð umsagnar um málið.

Athugasemdir við drög að reglugerðabreytingum bárust m.a. sameiginlega frá Samtökum atvinnulífsins og Sambandi íslenskra sveitarfélaga. Vegagerðin tekur í meginatriðum undir og gerir að sínum þær athugasemdir sem þar koma fram. Einnig er vísað efnislega til athugasemda sem fram hafa komið af hálfu Vegagerðarinnar í tengslum við áform um endurskoðun laga um mat á umhverfisáhrifum, sjá umsögn til umhverfis- og samgöngunefndar Alþingis dags. 2. maí sl., 775. mál.

Vegagerðin hvetur til þess að ráðuneytið taki drög að reglugerð til endurskoðunar með hliðsjón af framangreindu. Einnig er tekið undir það sjónarmið sem fram hefur komið að ekki verði gripið að óþörfu inn í þá vinnu sem fram fer af hálfu starfshóps um heildarendurskoðun lagaumhverfis um mat á umhverfisáhrifum.

Virðingarfyllst,

Stefán Erlendsson, lögmaður, LL.M

Forstöðumaður lögfræðideildar.